

regiæ gnarus, hæc perpendens, confesum non fateatur, incaffum obijci Catholicorum dogmati, de quo agimus, auctoritatem Irenæi, utique summe venerandi viri: sed *in ordine promotionis Justorum*, ut evidentissime patet, inania & incredibilia solum proferentis; Quod satis interim futurum est nobis, ne ille quidem negat, quin suo tempore aliter alii sentirent, & putarentur recte credidisse, hoc est alii Catholici, qui Papiæ phantasmatis rejectis Animarum Justarum Beatitudinem in Coelis anticipandam credebant. Immo S. Episcopus alibi agnoscere videtur, Animas Martyrum; quos veros Christi testes Ecclesiæ tantum Catholica ostendere potest, post mortem in Cœlestia Regna recta ferri. Scribit enim Lib. iv. cap. 64. five cap. 33. §. 9. in Edition. Cl. P. Massuet: *Quapropter Ecclesiæ omni in loco ob eam, quam habet erga Deum dilectionem multitudinem Martyrum in omni tempore præmittit ad Patrem. Similia protulit Lib. iiii. cap. xvi., olim xvii. de Innocentibus pro Christo occisis, inquit: Propter hoc & Puerus eripietur, qui erant in domo David bene sortiti illo tempore nasci, ut eos PRÆMITTERET in suum REGNUM; ipse Infans quum esset, Infantes hominum Martyres parans.* Si vel solas Martyrum Animas in Cœlum mature profectas habemus (quæ plane tunc erat communis Ecclesiæ sententia, ipsiusque Irenæi mens fuisse videtur) nihil aliud opus est, ut totum ipsius S. Viri, simulque Burneti ædificium per se solvi ac ruere intelligamus, ut supra ostendi cap. vi. Theoremate Secundo. Sed quam melius egisset Burnetus, si Irenæum potius consulisset Lib. v. cap. 20. ubi hæc ejus verba? *Ecclesiæ quidem prædicatio vera & firma, apud quàm una & eadem salutis via in universo Mundo ostenditur. Huic enim creditum est lumen Dei, & propter hoc sapientia Dei. Ubique enim Ecclesiæ prædicat Veritatem. Qui ergo relinquunt præconium Ecclesiæ, imperitiam Sanctorum Presbyterorum arguunt, non contemplantes, quantum pluris sit idiota religiosus a blasphemio & impudente sophista. Tales sunt autem omnes Hæretici, & qui se plus aliquid præter Veritatem invenire putant.* Opinionem de Millenario Regno, ac retardata Sanctorum Beatitate, fatetur idem S. Vir, ab aliis sui ævi Catholicis improbatam fuisse. At quod est ad dogma *Infalibilitatis* Ecclesiæ, impositumque Fidelibus de ea audienda, ejusque decretis amplectendis præceptum: id veluti ratum, omniumque Catholicorum amplexum probatum Christianæ Religionis principium S. Irenæus compluribus aliis in locis confirmat atque inculcat; ita ut si is temporibus nostris vixisset, primus, Millenario errore deposito, in sententiam Ecclesiæ Catholicæ concessurus fuisset. Interim ex ipsius S. Præfatis diserto suffragio habemus Burnetum Hæreticorum albo inscriptum, ipsumque Irenæum in hac ipsa quæstione alio saltem ex latere nobis militantem.

Ad *Tertullianum* quod attinet, exploratum est, pro Millenaria fabula & ipsum stetit, ac mirandum proinde non esse, si ad Judicium extremum, immo & post somnium illud Mille Annorum  
Re